



## Publicaziuns dalla vischnaunca, jamna 32

### Damonda da baghegiar

**Datum da publicaziun: ils 10 d'uoost 2012**

**Nr. 2012-1060**

**Proprietaris da terren:**

Vinzens Huonder, Via Sut Vitg 1, 7186 Segnas

Dr. Guido von Castelberg, Stockerstrasse 32, 8002 Turitg

**Il patrun:** Vischnaunca Disentis/Mustér, Via Cons 2, 7180 Disentis/Mustér

**Il representant:** Uffeci da baghegiar, Via Cons 2, 7180 Disentis/Mustér

**Object:** Emplenida da material cun igl intent da migliurar la cultivaziun da terren, parcella 225, Raviul, 7186 Segnas

Ils plans da construcziun ein deponi tier l'administraziun communal.

L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/Mustér. La protesta sto esser motivada e sutta-scretta dil recurrent ni da siu representant.

Disentis/Mustér, ils 3-8-2012

*Uffeci da baghegiar Disentis/Mustér*

---

### Lubientschas da baghegiar

L'istanza da baghegiar ha concediu suandontas lubientschas da baghegiar:

**Nr. 2012-1032**

Stweg Casa Flepp, Placi Flepp, Via Pintga 12, 7180 Disentis/Mustér; construcziun d'ina garascha nova, parcella 916, 7180 Disentis/Mustér.

**Nr. 2012-1039**

Marcus Weber, 200 Moulmein Road, 308107 Singapore (Singapur); construcziun d'ina casa nova da habitar, parcella 1314, Via Luzzas 10, 7180 Disentis/Mustér.

Quellas lubientschas san vegnir contestadas enteifer 30 dis dapi la publicaziun el Fegl ufficial dalla Surselva tier la Dertgira administrativa dil cantun Grischun.

Disentis/Mustér, ils 8-8-2012

*Uffeci da baghegiar Disentis/Mustér*

---

### Elecziuns communalas 2012

Quest'atun han liug las elecziuns dils organs communalas per la perioda d'uffeci 2013/2016. Per quella elecziun ha la suprastanza communal fixau ils suandonts datums:

**a) Termin d'abdicaziun**

Il termin d'abdicaziun per il **cussegl da vischnaunca, la suprastanza communal, il cussegl da scola sco era per tuttas ulteriuras cumissiuns** e delegaziuns ei vegnius fixaus sin **mardis, ils 28 d'uoost 2012**. Suenter quei termin vegnan las demissiuns publicadas el Fegl ufficial dalla Surselva.

**b) Termin per inoltrar propostas**

Vischinadis ni gruppaziuns da silmeins 15 votantas e votants han la pusseivladad d'inoltrar entochen 30 dis avon l'elecziun propostas per candidatas e candidats. Las propostas ein da far **en scret** e d'inoltrar **entochen venderdis, ils 28 da settember 2012** all'administraziun communal. Ufficials che han buca demissiunau valan sco proponi.



**c) Termin per las elecziuns**

Las elecziuns dils commembers dil **cussegl da vischnaunca, dalla suprastonza communal e dil cussegl da scola** han liug **dumengia, ils 28 d'october 2012**. Las elecziuns da tuttas ulteriuras cumissiuns succedan pli tard entras ils gremis competents.

*Suprastonza communal Disentis/ Mustér*

---

**Administraziun communal  
Nossadunna d'uost**

**Mesjamna, ils 15 d'uost 2012** resta l'administraziun communal serrada igl entir di.

*Administraziun communal Disentis/ Mustér*

---

**Cussegl da vischnaunca**

La proxima seduta dil cussegl da vischnaunca ha liug

**venderdis, ils 24 d'uost 2012 allas 20.15** el Center  
sursilvan d'agricultura a Salaplauna.

*La presidenta dil cussegl da vischnaunca*

---

**Sanaziun dalla Via Sursilvana sil tschancun Sogn Placi–Casa Cumin**

Ils 17 da zercladur 2012 han votantas e votants approbau il credit per la sanaziun dalla Via Sursilvana. Sin fundament da quei clar votum sa vegnir entschiet cun las lavurs da construcziun. Il decuors dallas lavurs vegn a pretender dabia pazienza davart ils vischins pertuccai directamein, mo era davart ils automobilists. Cheu sut sch'ei nus suandar il program da baghegiar:

**1. etappa 2012: casa Cumin–sbuccada dalla Via Sogn Sigisbert**

Las lavurs da sanaziun vid l'empreta etappa tras il vitg da Mustér entscheivan ils 20 d'uost e cuozzan entochen ils 10 da november 2012. La sanaziun dalla via cumpeggia il remplazzament dalla fundaziun e dalla cuvrada da catram. Sper la sanaziun generala dalla via vegnan era ils conducts da provediment (aua, canalisaziun, electricitad, telecom e recal) remplazzai.

Il transit vegn reglaus cun in ampla da traffic. Per ils pedunzs ei il passadi sur ina passarella garantius da tut temps. La construcziun d'ina via atras in vitg caschuna emissiuns da canera e purlanza. Las interpresas da construcziun, igl uffeci da construcziun bassa dil Grischun ed era las autoritads communalas vegnan ad interpreter tut pusseivel per restrenscher il disturbi visavi vischinas e vischins, sco era nos hosps sil minimum necessari.

**2. etappa 2013: sbuccada dalla Via Sogn Sigisbert–hotel «Rhätia»**

La secunda etappa ei previda naven da Pastgas 2013 entochen ils 5 da fenadur 2013.

**3. etappa 2013: hotel «Rhätia»–sbuccada Via Chischliun**

La tierza etappa vegn a cuzzar naven dils 19 d'uost entochen ils 9 da november 2013.



#### 4. etappa 2014

La quarta etappa cumpeggia la cuvrida fina da catram sigl entir tschancun e vegn executada durant il meins da zercladur 2014. Ils responsabels ed ils conluvrers dallas interpresas pertuccadas engrazian ordavon per tutta capientscha e pazienza. En cass da damondas san ins sevolver tier igl uffeci da construcziun bassa dil Grischun, telefon 081 257 69 00 ni tier igl uffeci da baghegiar dalla vischnaunca da Mustér, 081 920 36 46.

*Uffeci da construcziun bassa dil Grischun  
Suprastonza communal Disentis/Mustér  
L'interpresa da construcziun Strabag AG*

---

#### Controla da habitonts **Mortoris**

*Carli Sebastian Stiefenhofer-Desax*  
naschius ils 17-4-1917, morts ils 2-8-2012.

*Rosina Maria Lozza-Foppa*  
naschida ils 21-8-1933, morta ils 7-8-2012.

---

#### Controla da bulius

**Sonda, ils 11 d'uoost 2012** naven **dallas 17.00–17.30** ha liug avon l'entrada dalla casa da scola nova a Cons ina controla da bulius. La controla ei gratuita e succeda entras il controllader Egmont Heisch da Cumbel. Ulteriuras controllas han liug ils 26 d'uoost sco era ils 15 e 23 da settember 2012.

*Organisau d'ina gruppa d'interess*

---

#### Entschatta digl onn da scola 2012/13 Gliendisdis, ils 20 d'uoost 2012

Il cussegl da scola ed il meinascola fan a tuttas scolaras ed a tuts scolars sco era a tuttas personas d'instrucziun ed als geniturs in cordial beinvegni per l'entschatta dil niev onn da scola.

**Entschatta:** primara e scalem ault allas 7.45 (priu ora 1. classa primara), 1. primara entschatta allas 9.40. Il survetsch divin ha liug suentermiezdi allas 14.00 en baselgia s. Gions. Silsunter seradunan il cerchel scolastic ed il cussegl da scola ad ina seduta (ils affons han liber!).

#### Program per igl onn da scola 2012/13

Scola  
gliendisdis, ils 20-8-2012–venderdis, ils 5-10-2012

**Vacanzas d'atun**  
gliendisdis, ils 8-10-2012–venderdis, ils 19-10-2012

Scola  
gliendisdis, ils 22-10-2012–venderdis, ils 21-12-2012

**Vacanzas da Nadal**  
gliendisdis, ils 24-12-2012–venderdis, ils 4-1-2013

Scola  
gliendisdis, ils 7-1-2013–venderdis, ils 22-2-2013



**Vacanzas da sport**

gliendisdis, ils 25-2-2013–venderdis, ils 1-3-2013

Scola

gliendisdis, ils 4-3-2013–venderdis, ils 26-4-2013

**Vacanzas da primavera**

gliendisdis, ils 29-4-2013–venderdis, ils 3-5-2013

Scola

gliendisdis, ils 6-5-2013–venderdis, ils 21-6-2013

Finiziun digl onn da scola 2012/13:

**venderdis, ils 21-6-2013**

Entschatta digl onn da scola 2013/14:

**gliendisdis, ils 19-8-2013**

**Firaus e dis libers:**

Numnasontga 1-11-2012

s. Martin (fiera), suentermiezdi liber 12-11-2012

gliendisdis tscheiver 11-2-2013

s. Giusep (mardis) 19-3-2013

Pastgas 29-3-2013 tochen 1-4-2013

Anceinza 9-5-2013

scolaziun interna 10-5-2013

Gliendisdis Tschuncheismas 20-5-2013

Sontgilcrest 30-5-2013

**Repartiziun dallas classas onn da scola 2012/13**

1. classa primara Linus Flepp

2. classa primara Yvonne Flepp

3. classa primara Michel Andriuet

4. classa primara Roger Tuor

5. classa primara Bruno Flepp

6. classa primara Gion Tenner

classa pintga integrada Olinda Hosang

1. reala Aluis Hosang

2. reala Meinrad Giger

3. reala Marcus Munsch

1. secundara Adrian Pally

2. secundara Christoph Berger

3. secundara Gabriel Venzin

Zambergiar textil Catarina Steger

cuschinar/tenercasa Irena Flepp-Sac

**Urari da transports 2012/13**

**Mompé Medel**

Mompé Medel 7.15 Mustér 7.24

(gievgia) 9.10 9.19

Mustér 11.20 Mompé Medel 11.29

Mompé Medel 13.15 Mustér 13.24

Mustér 16.20 Mompé Medel 16.29

**Mompé Tujetsch–Segnas**

Mompé Tujetsch Segnas Mustér

MGB (Bahnersatz) 7.12 7.19 7.28

transport cun bus 9.23 9.27 9.36

(gievgia)

Mustér Segnas Mompé Tujetsch

transport cun bus 11.19 11.26 11.29



transport cun tren 12.14 12.20 12.23  
Mompé Tujetsch Segnas Mustér  
transport cun bus 13.23 13.25 13.32  
Mustér Segnas Mompé Tujetsch  
transport cun bus 16.14 16.20 16.23

#### **Cavardiras**

Cavardiras Pardomat Disla Mustér  
7.10 7.15 7.24 7.29  
(gievgia) 9.00 9.05 9.14 9.19  
Mustér Pardomat Cavardiras  
11.25 11.35 11.40  
(mesjamna) 12.15 12.25 12.30  
Cavardiras Pardomat Disla Mustér  
13.15 13.20 13.29 13.34  
Mustér Pardomat Cavardiras  
16.20 16.30 16.35

#### **Furger taxi, 081 936 44 44**

**Uras da biro:** Il biro dil meinascola sesanfla en scola veglia ell'emprema alzada.

Kai Hinrichsen-Tuor  
081 936 44 25  
e-mail: [meinascola@scoladisentis.ch](mailto:meinascola@scoladisentis.ch)

#### **uras da spurtegl:**

gliendisdis e gievgia, 15.00–16.00, ni tenor cunvegna. Duront las vacanzas ei il biro serraus.

---

#### **Uniun da dunnas Mustér**

L'uniun da dunnas Mustér envida tuttas commembras ad in brunch a Caischavedra ils **26 d'uost 2012**. Partenza cun la cabina dallas **9.30**. Tgi che ha la carta digl onn duei prender cun ella. Returnar san ins a pei ni cun la cabina.

**Annunzias:** ein da far tochen **mesjamna, ils 22 d'uost 2012** tier Sigrid Loretz, tel. 081 947 40 29, e-mail: [sigrid\\_loretz@hotmail.com](mailto:sigrid_loretz@hotmail.com)

A stedia participaziun selagra  
*la suprastonza*

---

#### **Preavis: Zevrada da nuorsas cun fiera ed uustria a Salaplauna/Mustér Sonda, ils 29 da settember 2012**

En connex cun la scargada da nuorsas dall'alp Lumpegna vegn organisau ina fiera a Salaplauna/Mustér. Ei vegn tundi nuorsas, vendiu products da nuorsa ed auters products dalla regiun. L'ustria sil plaz porscha naturalmein denter auter era specialitads da carn tschut. Autras attracziuns per pign e grond. Tgi che ha interess dad haver in stan da fiera quei di sa s'annunziar tochen ils **31-8-2012** tier il Center sursilvan d'agricultura, 081 936 48 00, ni [info@agricultura.ch](mailto:info@agricultura.ch).

**Temps:** 9.00–16.00.

Cordialmein envidan  
*ils purs e las puras da nuoras da Mustér*



**Secziun da catschadurs Péz Alpetta**  
***Tir intern***

**Dumengia, ils 19 d'uost 2012** allas 13.00.

---

**Societad da tir Desertina**

Davosa pusseivladad da sittar il tir obligatori **dumengia, ils 19 d'uost 2012 dallas 17.30–19.00** el stan da sittar la resgia.

Cordialmein envida  
*la Societad da tir Desertina*

---

**Chor d'affons vischnaunca Sumvitg**

Mira sut Sumvitg.